

Bosna i Hercegovina  
Federacija Bosne i Hercegovine  
**KANTON SARAJEVO**  
**MINISTARSTVO UNUTRAŠNJIH POSLOVA**  
**UPRAVA POLICIJE**  
**SARAJEVO**

Broj: 02/7-*LFO* /22  
Datum: 04.08.2022. godine

**FEDERACIJA BOSNE I HERCEGOVINE**  
**PARLAMENT FEDERACIJE**  
**Komisija za zaštitu ljudskih prava i sloboda**

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
**SARAJEVO**

Primljeno: 05-08-2022			
Org. jed.	Broj	Priloga	Vrijednost
01/4	-02-	979	19

**PREDMET: Nacrt Zakona o posebnom registru lica pravosnažno osuđenih za krivična djela protiv spolne slobode i morala prema djeci i maloljetnicima u Federaciji Bosne i Hercegovine, sugestije i prijedloge, d o s t a v l j a m o;-**

Dana 29.07. 2022. godine na osnovu poziva na javnu raspravu Komisije za zaštitu ljudskih prava i sloboda Parlamenta Federacije BiH broj 01/4, 02/4-02-979/19 od dana 22.07.2022. godine predstavnici Uprave policije MUP- a Kantona Sarajevo su prisustvovali istoj u prostorijama Parlamenta FBiH, gdje su usmeno iznijeli prijedloge i sugestije na predmetni Nacrt, te u skladu sa dogovorom, iste vam dostavljamo i u pisanoj formi.

**PRILOG:-** kao u tekstu



**POLICIJSKI KOMESAR**  
**Generalni inspektor policije**

*Nusret Selimović*  
**Nusret Selimović**

# ZAKON O POSEBNOM REGISTRU LICA PRAVOSNAŽNO OSUĐENIH ZA KRIVIČNA DJELA PROTIV SPOLNE SLOBODE I MORALA PREMA DJECI I MALOLJETNICIMA U FEDERACIJI BOSNE I HERCEGOVINE

U skladu sa opredjeljenjem Uprave policije MUP-a Kantona Sarajevo za pružanjem potpune zaštite djece i maloljetnika u Bosni i Hercegovini, te s ciljem davanja punog doprinosa u izradi efikasnog i primjenjivog Zakona o posebnom registru lica pravosnažno osuđenih za krivična djela protiv spolne slobode i morala prema djeci i maloljetnicima u Federaciji Bosne i Hercegovine, dajemo slijedeće:

## Prijedloge i sugestije

**U članu 1. ( Opće odredbe) stav (1)** dodati i riječi “uspostavlja se i”, obzirom da se radi o registru koji do sada nije bio ničim propisan niti definisan pa samim tim ni vođen. Mišljenja smo da bi tekst ovog stava trebao glasiti::

Ovim zakonom **uspostavlja se i uređuje** poseban Registar lica pravosnažno osuđenih za krivična djela protiv spolne slobode i morala prema djeci i maloljetnicima u Federaciji Bosne i Hercegovine (u daljem tekstu: Registar), i određuju posebne mjere koje se provode prema licima pravosnažno osuđenim za ta krivična djela.

**U Glavi I - OPĆE ODREDBE** - takođe predlažemo i propisivanje člana 2. kojim bi se dale definicije pojmova odnosno izraza u zakonu, npr. pod nazivom (**Značenje izraza**). S tim u vezi predlažemo da pored definisanja **pojma djeteta** po međunarodnim standardima (Konvencija o pravima djeteta, Istanbulska konvencija i dr.) i u skladu sa Zakonom o zaštiti i postupanju sa djecom i maloljetnicima u krivičnom postupku FBiH, dati i definiciju **pojma maloljetnika** te izvršiti gradaciju pojma maloljetnik, kako slijedi:

- Npr. definicija djeteta

(1) Dijete je u skladu sa ovim zakonom svaka osoba koja nije navršila 18 godina života.

- Uzrast maloljetnika u svrhu ovog zakona

(1) Mlađi maloljetnik je maloljetnik koji je u vrijeme izvršenja krivičnog djela navršio 14 a nije navršio 16 godina života.

(2) Stariji maloljetnik je maloljetnik koji je u vrijeme izvršenja krivičnog djela navršio 16 a nije navršio 18 godina života.

Napominjemo da bi u ovom članu trebalo definisati i pojmove Registar, organi i organizacije, ustanove, institucije i udruženja kojima se mogu ustupati podaci iz registra, pojam inostranog državnog organa, mjesta okupljanja djece i dr.

**U Glavi II - PODRUČJE PRIMJENE ZAKONA** - predlažemo da Član 2. postane “**Član 3.**” te da se u isti pored već pobrojanih krivičnih djela uvrste i druga krivična djela u kojima se mogu pojaviti djeca ili maloljetnici kao žrtve npr. Neovlaštenog optičkog snimanja, Trgovine ljudima i dr. jer se istima takođe može izvršiti neka vrsta seksualne eksploatacije, obzirom da je Uprava policije MUP-a Kantona Sarajevo u predhodnom periodu dostavljala službene izvještaje o počinjenom krivičnom djelu Kantonalnom tužilaštvu Kantona Sarajevo, zbog postojanja osnova sumnje da su počinjena krivična djela nad maloljetnim licima, od strane punoljetnih lica, a optužena lica su za navedeno krivično djelo i pravosnažno osuđivana. Navedena krivična djela su u imala seksualne konotacije, jer su oštećena maloljetna lica snimana prilikom seksualnih radnji, što se može staviti u okvire seksualnih delikata. Napominjemo da bi takav zahvat u Nacrtu Zakona podrazumijevao i intervenciju u imenu zakona jer krivično djelo Neovlaštenog optičkog snimanja ne spada u krivična djela protiv spolne slobode i morala.